

Mervi Wyatt-Ras (AVP):

‘Pa introduci ARUBIG ta necesario lanta un Instituto di Calidad’



ORANJESTAD - Durante conferencia di prensa di fraccion di AVP, parlamentario Mervin Wyatt-Ras a elabora encunto e ‘vrageuur’ cu tabatin cu minister di salubridad dia 16 di october recién. Entre otro a papia di ARUBIG y hobennan cu ta studia den region cu kier eherce medicina na Aruba.

Sra. Wyatt-Ras a relata cu na 2014 a pasa e ley di calidad di cuidu. Durante tratamiento di e ley a bin padilanti cu mester mas control di cuidu medico, y pa garantisca calidad di cuidu ta necesario pa lanta un instituto di calidad. Asina por traha hunto cu otro pais den reino y internacional, y bin cu normanan pa mehora e calidad di loke ta ser haci na cuidu medico actualmente.

Despues, ora a trata y aproba e ley di BIG (Beroepen in de Gezondheidszorg), un biaha mas a mostra riba e necesidad di tin un instituto imparcial pa garantisca cu ta cumpli cu normanan internacional y cu por garantisca calidad. Na aña 2017 a institui e Inspeccion di Salubridad cu ta sali tambe for di e ley di Calidad di Cuido y cu a haci posibel cu pashentnan por entrega keho, y tin proceduranan con pa anda cu keho. Dokternan y specialistanan cu comete

actonan cu ta perhudica pashent tin cu para responsabel. Den caso un keho ta infunda ta muestra e pashent ariba su responsabilidad.

E inspeccion di salubridad cu ta atende cu kehonan ta funcionando optimo y tin como tarea alabes control di calidad di cuidu di nos grandi nan, basa ariba e ley especificamente pa nos grandi nan.

Durante tratamiento di e ley di Calidad di Cuido di Salud y BIG, tabata den discusion e hobennan cu a studia medicina den region cu ora nan regresa Aruba no por traha mensora. Gobiernonan a studia esaki y mientrastanto a mantene e normanan Hulandes. Tin varios di e hobennan a bay sigui specialisa na Hulanda y tin a bay Spaña. Tin paisnan di cual e normanan cu nan tin no ta cumpli cu esunnan internacional, y ta p’esey no por haci uzo di esakinan pa Aruba. Tanto Colombia como Costa Rica ta trahando ariba esaki, pero ainda no ta asina leu. Esaki ta un lastima pa esunnan cu caba di studia na universidadnan di paisnan ey. Política a dreña den e asunto y a priminti e hobennan reconocimiento, sinembargo pa por garantisca calidad di cuidu, mester tene cuenta cu normanan. Gobierno a indica di lo bay coloca e hobennan na trabou. Aki tin

discusion ainda, paso mester cumpli cu calidad.

Awor cu lo bay introduci ARUBIG, e asunto di nor-

manan ta bolbe resalta. Sra. Wyatt-Ras ta di opinion cu ta urgente pa lanta e Instituto di Calidad, cu na un dado momento, por crea tambe

trayectonan pa hobennan cu studia den region por sigui kisas na Aruba mes. Tambe pa otro profesionalnan cu mester cumpli cu ARUBIG den futuro. Profesionalnan lo mester toets e hobennan pa asina evalua pa nan por traha. Pronto IMSAN lo bay traha hunto cu Baptist Health y nan ta acredita segun JCI. Aki ta un oportunidad di traha hunto riba tereno di normanan. Ta keda un lastima cu e dokternan hoben studia den region no por traha aki.

Mester por bin cu trayectonan di specialisacion. E hecho cu cuidu medico ta hopi vulnerable, y tin critica di nos propio hendenan riba nos cuidu medico y riba mediconan, ta haci cu ta necesario garantisca calidad. Lo ta hopi straño pa nos pasa ley- nan di calidad y awor nos no ta cumpli cu loke nan ta indica. Tampoco lo no por bypass opinion di mediconan y specialistanan riba esaki, sino haya nan asina leu pa pensa den mesun direccion. Pues ta di importancia traha hunto y cu tur nanishi ta den mesun direccion pa nos por garantisca calidad di cuidu cu ya caba ta regla den ley.